

278062



永樂大典

書影

序

影印說明

目錄

卷〇四〇

忠字

卷〇四一

忠字



永樂大典卷之四百八十一

忠 忠義十六

元史列傳李伯溫守賢之孫毅之子也長兄惟則懷遠大將軍平陽征行萬戶次伯通歲甲戌錦州張致叛國王木華黎命擊之大戰城北伯通死馬伯溫行平陽元帥府事鎮青龍堡專任東征知平陽已陷第守忠被執選驍勇拒守久之金人盡銳來攻守卒夜多遁去李成開水門導敵入伯溫登堞樓謂左右曰吾兄弟仗節擁麾受方面之寄今不幸失利當以死報國吾弟已被執我不可再辱汝等宜自逃生士卒皆猶豫不忍去伯溫即拔劍殺家屬投井中以刃植柱刺心而死金人登樓見伯溫抱柱如生無不嗟歎子守正自幼時嘗質於木華黎後爲平陽守活俘虜甚衆以功授銀青榮祿大夫河東南路兵馬都元帥歲庚寅上黨晉陽合兵攻汾州將陷守正以義赴援衆寡不敵別遣老弱百人曳薪揚塵多張旗幟敵懼遂解去汾人持牛酒迎犒者道不絕且泣謝曰辛公完是州德甚大願奉是州以從關中兵也吉州酋領楊鐵槍以數十人叛守正出兵擒之斬成

據隰州。守正往擊之。中矢傷足。及歸。瘡甚。會金人完顏合達攻平陽。守正
累奮戰。歿。大帥以其兄守忠代之。守忠官至銀青榮祿大夫。河東南路兵
馬都元帥。兼知平陽府事。壬午冬。平陽公胡景山以青龍堡降。嘗從攻益
都北還。軍將彭智孫乘間據義州叛。守忠聞之。長驅抵城下。力戰復之。丁
亥夏四月。金統石烈真襲擊平陽。行營招討使權國王按察兒於洪洞。守
忠出援之。會於高梁師潰入城。平陽副帥夾谷常德潛獻東門以納金兵。
城遂陷。金人執守忠至汴。誘以高爵使降。守忠罵之。語惡。金人怒。置守忠
鐵籠中。火炙死。石珪泰安新泰人。宋祖徠先生守道之裔孫也。世以讀
書力田爲業。體貌魁偉。膂力過人。僮僕不羈。金貞祐南渡。兵戈四起。珪率
壯勇險自保。與滕陽陳敬宗聚兵山東。破張都統李霸王兵於龜蒙山。
宋將鄭元龍以兵迎敵。珪敗之於亳陽。遂衆勝引兵入行貽。會宋賈涉誘
殺連水忠義軍統轄李先。人情不安。衆迎珪爲帥。呼爲太尉。歲戊寅。太祖
使葛葛不罕與宋議和。己卯。珪吟麾下劉順直抵壽斯干城入覲。太祖慰
勞順。且教珪曰。如宋和議不成。吾與爾永結一家。吾必榮汝順還告珪。珪
心感服。日夜思降。庚辰。宋果渝盟。珪來其妻孔氏于金山。杖劍渡淮。宋將
追之曰。太尉迴完汝妻子。珪不顧。宋將沉珪妻子於淮。遂率順及李溫因

李里海歸木華黎。木華黎悅之。謂曰：「若得東平、南京，授汝判之。」辛巳，木華黎承制授珪光祿大夫、濟克單三州兵馬都總管。山東路行元帥佩金虎符，便宜從事。後金棄東平，珪與嚴實分據。收輯濟克、沂、滕、單諸州。癸未，太祖詔曰：「石珪棄妻子，提兵歸順，戰勝攻取，加授金紫光祿大夫、東平兵馬都總管。山東諸路都元帥餘如故。」秋七月，珪領兵破曹州，與金將鄭從宜連戰數晝夜，糧絕，授兵不至，軍無叛意。珪臨陣馬仆，被擒，囚至汴。金主壯其為人，誘以名爵，欲使揖珪，憤然曰：「吾身事大朝，官至光祿，復能受封他國耶？假我一朝，當縛爾以獻。」金主大怒，蒸殺于市。珪怡然就死，色不變。其麾下立社，充州祀馬。攸哈剌拔都、渤海人，初名興哥，甘農家，善射，以武斷鄉井。金末，避地大寧國。兵至，出保高州富庶寨，射獵以食。屢奪大管蓐畜，又射死其追者。國王木華黎率兵攻寨，寨破，奔高州。國兵圍城下，令曰：「能斬攸與哥首以降，則城中居民皆獲生。」守者召謂曰：「汝哥男子，吾寧忍斷汝首以獻。」汝其往降乎？不然，吾一城生靈無噍類矣。」興哥乃折天出降。諸將怒欲殺之。木華黎曰：「壯士也。」留之為吾用。俾隸麾下。從木華黎攻通州。獻計一夕，造砲三十，雲梯數十，附城。州將懼，出寶貨以降。木華黎命與哥恣取之。興哥獨取良馬三，以賞兵士。木華黎以其功聞，太祖賜名哈剌。

拔都從木華黎略地燕南爲先鋒至大名金將徒單登城督戰哈剌拔都射之甲左目其部將開門南奔追殺將盡諱功賜金符充隨營監察戊寅授金虎符龍虎衛上將軍河東北路兵馬都元帥鎮太原時太原新破哈剌拔都拔都修城池繕兵甲招降屬邑市肆不改遠近聞之皆相率來歸嘗微服夜出聞民間語曰吾屬父母子女相失矣死者不可復生生者無以爲贖奈何明日下午令軍中凡俘獲有親者聽贖無資者官爲贖之民得完聚者衆庚辰二月金梁知府立西風寨奪居民耕牛民群訴之哈剌拔都領數騎追殺梁知府梟首西門驅耕牛還木華黎由葭州渡河西行哈剌拔都迎之道破隰州及懸窰地洞諸寨辛巳三月金兵攻壽陽縣王胡莊岳破時左右裨將各分兵守險城中見卒不滿百哈剌拔都夜半引甲騎十餘人救之道三交見金兵舉烽東西兩山哈剌拔都趨之大戰天將明金兵遁去搆太原之虛由西門俘獲哈剌拔都家屬哈剌拔都聞之徑趨西山復奪以還五月金趙權府率兵三萬圍太原哈剌拔都將騎三十出西門合騎曳柴揚塵聲言曰國兵三萬至矣金兵懼潰去癸未金馬武京來攻太谷縣桑梓寨哈剌拔都設伏于險將輕騎衝其陣伏發大敗之時太原諸邑皆平唯石家昂及孟州陵井寨忻州清泉寨爲唇齒皆束下甲

申十月將兵至陵井。遣卒叩寨門。詐曰。納糧芻。守者弗悟。門啓徑入蹂踐之。殺潰其酋長走石家鼎。遂平陵井寨。乙酉二月。清泉寨酋長王殺降石家昂亦降。丁亥五月。彝人夜獻太原東門于武仙。仙引兵入。哈剌拔都鑒戰。仙兵大至。諸將自城外呼曰。倭哈剌拔都汝當出。哈剌拔都曰。真定史天倪。平陽李守忠。澤州田雄。皆失守矣。我又棄太原。將何面目見主上及國王乎。家屬任公等所俘。哈剌拔都皆與城同存亡。遂歿于陣。太祖以其子幼。命其表第七十。復立太原。乙丑。攻鳳翔府。中砲死。哈剌拔都長子忙兀台嗣鎮太原。任志潞州人。歲戊寅。太師國王木華黎略地至潞州。志首迎降。國王授以虎符。俾充元帥。收輯山寨。數與金兵戰。比有功。金嘗擒其長子如山。以招之曰。降則爾子得生。不降則死。志曰。我爲大朝之帥。豈愛一子。親射其子墮之。木華黎嘗召諸將議事。志亦預徵道經武安其縣。已反爲金。志死之。國王聞之。令其子存襲庚寅歲。金將武仙攻潞州。存戰死。辛卯正月。有旨潞州元帥。任存妻孥家屬。命有司廩給。仍賜第以居之。十一月。以存父子死事。子立尚幼。先官其姪成爲潞州長官。待立長而還授之。成卒。授立潞州長官。佩金符。後歷澤州尹。遷陳州卒。耶律忒末契丹人。父丑哥。仕遼爲都統。遼亡不屈節。夫歸俱死焉。金主憫其忠義。授

武末都統歲甲戌國兵至金徙于汴武末及子天祐率衆三萬內附授帥府監軍天祐招討使從元帥史天倪略趙州平棘藥城元氏栢鄉贊皇臨城等縣籍其民五千餘置吏安輯焉歲辛巳太師木華黎統領諸道兵馬承制加武末洺州等路征行元帥與天祐略邢洺磁相懷孟招花馬劉元帥有功木華黎又承制授武末真定路安撫使洺州元帥進兵臨澤路降其民六十餘戶以功遷河北西路安撫使兼澤路元帥府事士千致仕退居真定天祐襲職從天倪攻取益都諸城略滄州得戶七千兼滄州達魯花赤佩金符時金鹽山衛鎮鹽場未下天祐以計克之歲運鹽四千席以佐軍儲甲申攻大名拔之乙酉金降將武仙據真定以叛授守將史天倪武末父子夜踰城而出將以聞會天倪弟天澤還自北京遇諸滿城合蒙古諸軍南與賊戰走武仙復真定朝廷以天澤襲兄爵而以天祐鎮趙州明年仙復犯真定天澤潛師出葉城武末與其妻石抹氏及家孥在真定者皆陷焉仙遣其僕劉攬兒持書誘天祐曰汝能誅趙州官吏以降當活汝父母仍授汝元帥不爾盡烹之武末密令攬兒語天祐曰仙賊狡猾汝所知也母以我故墮其機穿以虧忠節且忠孝難兩全汝能固守不失國家大計我視刀鋸甘如蜜矣天祐慟哭承命馳至葉城以賊書示天澤

天華曰王陵之事昭耀史冊汝能遵父命忠誠許國功不在王陵下天祐乃趨還趙壁率眾殊死戰仙怒盡殺戚家一十八人戰于樂城元氏高邑指鄉仙兵集挫監軍張林密搆仙黨啓關納賊天祐倉皇巷戰手殺數十人身被十餘瘡斬關出復收散卒圍城丁亥賊棄城走追至藁城會天澤兵夾擊殺林如奉國上將軍召州征行元帥兼趙州安撫使以傷憊致仕居趙卒孫世祖嗣列大夫江西榷茶都轉運使伯八兒合丹氏祖明里也赤哥嘗隸太祖帳下初怯列王可罕與太祖爲鄰國誓相親好既而敗盟與其子先覺潛謀欲襲太祖因遣使通問許以女妻太祖弟合撒兒至期太祖欲往明里也赤哥疑其詐諫止之王可罕知謀泄遂謀入寇後爲太祖所滅父脫倫闌里必扈從太祖征西域累立奇功世祖即位以伯八舊臣子孫擢爲萬戶命領諸部軍馬屯守欠火州至元十二年親王昔列吉脫鐵木兒叛奔海都伯八以聞且願提兵往討之未得命爲彼所襲死焉脫鐵木兒虜其二子八剌不蘭奚分置佐右居歲餘待之頗厚八剌陰結脫鐵木兒近侍也里伯禿謀報父仇復爲也里伯禿家人泄其謀八剌知事不成將家族南奔脫鐵木兒遣騎追之至一河八剌馬驚不能渡回拒之射中數人力窮兄弟就擒脫鐵木兒責之曰我待汝厚甚而汝反

爲此耶。八剌曰：汝背叛君上，害我父，掠我親屬，我誓欲殺汝，以報君父之讎。今力窮被執，從汝所爲，逼令跪不屈，以鐵棍碎其脛，終不跪。與弟不蘭奚同被害。幼子何都兀赤，官至河北河南道。滿政廉訪使。合剌普華，出璘帖木爾子也。幼侍母與敦氏，居益都，嘗歎曰：幼而不學，有不墮吾宗者乎？父時以斷事宜，建牙保定，合剌普華往白其志。父奇之，俾習畏兀書及經史，記誦精敏。出於天性。李璫畔，其母携季子脫烈普華避地登萊間。音問隔絕，號泣徹晝夜，繼從從叔父撒吉思平賊山東，卒奉其母以歸。撒吉思深加器重，自謂其才不及。言於世祖，召給宿衛，嘗以事至益都，於四脚山下置廣興商山二治，以勞授金符，爲高山鐵冶都提舉。未及代，以職謀其弟，恃兵南伐，餽運繁興，被選爲行都漕運使，帥諸翼兵萬五千人從事。飛輓江南平，上疏言親肺腑禮大臣，以存國家之體，興學校獎名節，以勵天下之士，正名分，嚴考課，以定百官之法，通泉幣，卻貢獻，以厚生民之本。又言江南新附，宜招舊族，力橋通商，弛征薄入，以撫馴其民，不然恐尚煩宵旰之慮。帝多采用其言。屬漕米二十萬，繇邦溝達于河，舟覆損十之一。而又每斛視都斛虧三升，時阿合馬專政，責償舟人，合剌普華伏闕抗言，量之踣齏，出於元降，而水道之虞，非人力所及，且彼雖罄其家，不足以償。

苟朝廷必不任虧損臣獨當其事詔勿治阿合馬憤之乃出合剌普華爲
寧海路達魯花赤後遷江南宣慰使未至官改廣東都轉運鹽使兼領諸
番市舶時盜梗鹽法陳良臣領東莞香山惠州賈販之徒萬人爲亂江西
行省命與招討使答失蠻討捕之先驅斬渠魁以訊賊告躬抵賊巢招誘
餘黨復業仍條言鹽法之不便者悉除其害按察使脫歡大爲姦利遂奏
罷之群盜歐南喜偕王號偽署丞相招討衆號十萬因圍上其山川形勢
及攻取之策三十餘條遂與都元帥課兒伯海牙宣尉都元帥白佐萬戶
王守信等以兵搯之未幾右丞唆都督兵征占域交趾屬護餉道北至東
莞博羅二界中遇劇賊歐鍾等橫絕石灣其鋒銳甚合剌普華身先士卒
且戰且行矢竭馬創使步格闖殺數十人勇氣益厲以衆寡不敵爲所執
賊欲奉之爲主不屈遂遇害于中心岡是夕其妻希召特勒氏夢其來告
告曰吾死矣知事張德劉閏亦夢之二人相繼死而軍中往往見其乘驢
督戰云後贈戶部尚書守忠全節功臣謚忠愍子二人俱文質越倫質俱
文質官至吉安路達魯花赤贈宣惠安遠功臣禮部尚書追封雲中郡侯
謚忠襄子六人俱玉立俱直堅俱哲爲俱朝吾俱列第皆第進士俱哲爲
官至江西行省右丞以文學政事稱于時越倫質子善著俱哲爲子俱百

傳遜善著子正宗阿兒思蘭皆相繼登第一門世科之盛當時所希有君子蓋以爲其忠義之報云

劉天孚字裕民大名人由中書譯史爲東平總管府判官改都漕運司判官知冠州再知許州所至有治績時檢校屯田臨穎鄆艾口民稻田三百頃有欲害之者指爲古也陳于中書請復築之中書下天孚按實天孚爲辨其非章軌上乃止襄城與葉縣接壤其南爲湛河襄城民食滄鹽葉縣民食解鹽刻石河南岸以爲界葉縣令有貪污者妄徙石於北二里誣其民食私鹽繫治百餘家兩縣聞辨葉縣倚決漕勢以凌襄城中書遣官察其實天孚爲考其元界移石故處而葉縣令被罪去歲大旱天孚禱即雨野有蝗天孚令民出捕俄群烏來啄蝗爲盡明年麥熟時有青蟲如蟲食麥人無可奈何忽生大華蟲盡嚼之許人立碑頌焉轉萬億寶源庫同提舉遷江西行省左右司郎中以母老不赴俄丁母憂服除起知河中府視事始兩月陝西行省丞相阿思罕爲亂舉兵至河中時事起不虞達魯花赤朵兒只趨晉寧告亂天孚日夜治戰守具選丁壯分守要害今河東縣達魯花赤脫因都守大慶蘭津口盡收船舫東岸令判官孫伯帖木兒守孤陰推官程謙守禹門河東縣尹王文義守風陵尋渡阿思罕軍列掘河

西岸。使來索舟。天孚度不能拒。九人遣人至晉寧乞援。其不報。居七日。阿思罕縛械河上。欲縱火屠城。同知府事鐵哥與河東廉訪副使明安客見事急。且患城中人偏。乃詣阿思罕軍。阿思罕囚之。而歎船濟兵。其既入城。阿思罕以扼河渡鎖舟。揖爲天孚罪。欲脅使附己。方生府治。號令諸軍。天孚佩刀直前。衆遏之。不得進。退謂幕僚王從善等曰。吾家本微賤。荷朝命至此。今不幸遭大變。吾何忍從之。而負上恩哉。且與其辱於阿思罕之手。吾寧蹈河以死。遂拂衣出。時天寒。河水方堅。天孚拔所佩刀。斫冰開北望爲國語。若祝謝者。再拜已。脫衣帽岸。游乃投水中。阿思罕大怒。藉其家。郡人咸哀痛之。事平。詔其弟天惠給驛以歸。其柩葬于大名。贈推誠秉節功臣。中奉大夫。河東山西道宣慰使護軍彭城郡侯。謚忠毅。

蕭景茂。漳州龍溪人也。性剛直。孝友。家貧力農。重改至元四年。南勝縣民李智甫作亂。掠龍溪。景茂與兄佑集鄉丁拒之。據觀音山橋險。與賊戰。衆敗。景茂被執。賊脅使從己。景茂罵曰。狗盜。我生爲大元民。死作隔洲鬼。豈從汝爲逆耶。隔洲其所居里也。賊怒。縛景茂於樹。齧其肉。使自啖。景茂益憤罵。賊遂以刀決其口。至耳傍。景茂罵不絕聲而死。有司上其事。朝廷命褒表之。仍給錢以葬。

張桓字彥威。真定藁城人。父木。知汝寧府。因家焉。桓以國子生。釋褐授滑之白馬丞。入補中書掾。擢國子典簿。拜陝西行臺監察御史。以言事不合去。未幾汝寧盜起。桓避之確山。賊久知桓名。繫獲之。羅拜請為帥。弗聽。因六月。擁至渠魁前。桓直趨據榻坐。與之抗論逆順。其徒皆桓起跪。桓仰天大呼。嘗叱彌厲。且屢唾賊面。賊猶不忍殺。謂桓曰。汝但一揖。亦恕汝死。桓瞋目曰。吾恨不能手斬逆首。肯聽汝誘脅而折腰哉。賊知終不可屈。遂刺之。年四十八。賊後語人曰。張御史真鐵漢。害之可惜。事聞。贈禮部尚書。諡忠潔。

李黼字子威。潁人也。工部尚書守中之子。守中性下急。遇諸子極嚴。每一飲酒。輒半月醉不解。黼百計承順。求寧親心。中不可得。跪而自訟。往往達旦。無義微厭怠之意。初補國學生。泰定四年。遂以明經魁多士。授翰林修撰。明年代祠西嶽。省臣謂黼曰。教使每後我。今可易邪。黼曰。王人雖微。春秋序於諸侯之上。尊君也。奈何後乎。省臣不敢對。改河南行省檢校官。遷禮部主事。拜監察御史。首言倫祠蒸嘗。古今大祭。今太廟唯二祭。而日享佛祠神御。非禮也。宜據經行之。咸均教化之基。不當隸集賢。宜屬省臣。兼領諸侯王。歲賜有定額。分封易代之際。陳請恩例。世系戚疏。無成書可攷。

宜做先代脩正。王牒皆不報轉江西行省郎中。入爲國子監丞。遷宣文閣
監書博士。兼經筵官。數以勸講。每以聖賢心法爲帝言之。俄中書命黼巡
視河渠。黼上言曰。蔡河源出京西。宋以轉輸之故。平地作堤。今河底填淤。
高出地面。秋霖一至。橫潰爲災。且按故迹修浚。他日東河。或有不測之阻。
江淮運物。當由此分道達京。萬世之利也。亦不報。并祕書太監拜禮部侍
郎。奉旨詳定中外所上封事。已而廷議內外官通調。授黼江州路總管。至
正十一年夏五月。盜起河南。北據徐蔡。南陷蘄黃。焚掠數千里。造船北岸。
銳意南攻。九江居下流。實江東西襟喉之地。黼治城壕。修器械。募丁壯。分
守要害。且上攻守之策於江西行省。請兵屯江北。以扼賊衝。庶幾大江之
險。賊不得共之。不報。黼嘆曰。吾不知死所矣。乃獨推牛饗士。教忠義。以作
士氣。數日之間。紀綱粗立。十二年正月己未。賊渡江。陷武昌。威順王及省
臣相繼遁。舳艫蔽江而下。江西大震。賊衆勝破瑞昌。右丞孛羅帖木兒。方
軍于江間。之遁。黼雖孤立。辭氣愈奮厲。特黃梅縣主簿也。孫帖木兒願出
擊賊。黼大喜。向天漣酒與之誓。言始脫口。賊游兵以至境。急徵諸鄉落聚
木石於險塞處。過賊歸路。倉卒無號。乃墨士卒面。統之出戰。黼身先士卒。
大呼陷陣也。孫帖木兒繼進。賊大敗。還北六十里。鄉丁依險阻。乘高下木

石橫屍蔽路。拔獲二萬餘。黼還謂左右曰。賊不利於陸。必由水道。以舟薄我。苟失備禦。吾屬無噍類矣。乃以長木數千。冒鐵推於秋暗。植於岸水中。逆刺賊舟。謂之七星搭。會西南風急。賊舟數十。果揚帆順流。鼓譟而至。舟遇搭不得動。進退無措。黼帥將士奮擊。發大網箭射之。焚溺死者無算。餘舟散走。行者上黼功。請拜江西行省。參政。行江州。南康等路軍民都總管。便宜行事。已而賊勢更熾。西自荊湖。東際淮甸。守臣往往棄城遁。黼守孤城。提孱旅。斬賊扶傷。無日不戰。中外援絕。二月甲申。賊將薄城。公省平章政事。禿堅不花。自北門遁。黼引兵登陴布戰具。賊已至甘棠湖。焚西門。乃張弩箭射之。賊趨起。未敢進。轉攻東門。黼救東門。賊已入。與之巷戰。知力不敵。揮劍叱賊曰。殺我母殺百姓。賊自巷背來。刺黼墮馬。黼與從子秉昭俱罵賊而死。郡民聞黼死。哭聲震天。相率具棺葬于東門外。黼死踰月。參政之命始下。年五十五。黼兄冕居類。亦死于賊。秉昭冕季子也。事聞。贈黼。謚忠義。敘節功臣。資德大夫。淮南江北等處行中書省左丞。上護軍。追封隴西郡公。謚忠文。詔立廟。江州。賜額曰崇烈。官其子東方集。賢待制。李齊字公平。廣平人。家甚貧。客授江南。工辭章。元統元年。進士第一。歷食河南。淮西。廉訪司事。移知高郵府。有政聲。至正十年。盜突入府驛。取十二

馬去齊躬追謝長等殺之十一年州人秦觀保造兵伏將圖劫掠復獲而行誅十三年泰州白駒場亭民張士誠爲亂破泰州河南行省遣齊往招降被拘久之賊酋自相殺始縱齊來歸泰州平賊徒尚蠢聚士誠復鼓變殺參知政事趙璉掠官庫民財走入得勝湖俄陷興化縣行省以左丞侯哲罵僭宗王鎮高郵使齊出守甓社湖夏五月乙未數賊入城一譟呼而省憲官皆遁齊急還救城賊已閉門拒我遂連興化接得勝湖舟艦四塞募延人寶應縣已而有詔凡叛逆者赦之詔至高郵不得入賊始曰請李知府來乃受命行省強齊往至則下齊獄中齊益辯說士誠本無降意特遷延爲繕飾計耳官軍謀知之乃進攻城士誠呼齊使跪齊叱曰吾膝如鐵豈肯爲賊屈士誠怒扼之跪齊立而詬之乃曳倒提碎其膝而弔之論者謂大科三魁若秦不華沒海上李黼隕九江洎齊之死皆不負所學云褚不華字君實臨州石樓人沈默有器局泰定初補中瑞司譯史授海道副千戶轉嘉興路治中連拜南臺西臺監察御史遷河西道廉訪僉事移淮東未幾陞副使汝穎盜發勢張甚不華行郡至淮安極力爲守禦計賊至多所斬獲且請知樞密院老章判官劉甲守韓信城相犄角爲聲援復上章劾總兵及諸將逗撓之罪朝廷錄其功陞廉訪使階中奉大夫甲有

智勇與賊戰輒勝賊憚之號曰劉鐵頭不華頗賴之總兵者聞不華効已益悉城乃檄甲別將兵擊賊冀以困不華甲去韓信城陷賊乃掘塹相衝捷水寨以圍我既而天長青軍叛晉顏帖木爾所統黃軍復叛賊皆挾之來攻不華知事危退入哈剌章營賊稍引去乃出抵撈打橋賊奄至援廉訪副使不達失里啖其屍不華以餘兵入淮安時城之東西南三面皆賊惟北門通沐陽阻赤鯉湖指揮使魏岳楊暹駐兵沐陽淮安倚其芻餉而赤鯉湖爲賊據沐陽之路又絕賊計孤城可取進搆南鎖橋不華與乞帥張存義出大西門會僉事忽都不花兵突賊柵殊死戰賊敗走追北二十餘里城中食且絕元帥吳德瑋運糧萬斛入河竟爲賊所掠德瑋僅以身免賊以青軍攻圍日益急總兵者也下邳相去五百里按兵不出凡遣使十九輩告急皆不聽城中餓者仆道上即取啖之一切草木螺蛤魚蛙燕鳥及鞞皮鞍韉革箱敗弓之筋皆盡而後父子夫婦老弱更相食徹屋爲薪人多露處坊陌生荆棘力既盡城陷不華猶據西門力鬪中傷見執爲賊所脅次子伴哥冒刃護之亦見殺時至正十六年十月己丑也不華守淮安五年殆數十百戰精忠大節人比之張巡云朝廷聞之贈翰林學士承旨榮祿大夫柱國追封衛國公諡曰忠肅賻鈔二百錠以卹其家